

Pelajar UniSZA pamer kreativiti produk inovasi

Putrajaya: Bagi mempromosi produk inovasi pelajarannya, Fakulti Reka Bentuk Inovatif dan gTeknologi (FRIT) Universiti Sultan Zainal Abidin (UniSZA) menganjurkan *Education 4.0 Innovation With Soul*, di sini, baru-baru ini.

Pameran itu disertai 46 pelajar Ijazah Sarjana Muda Reka Bentuk Perindustrian UniSZA bagi mengambil peluang untuk menyerlahkan kreativiti mereka dengan mempamerkan produk masing-masing.

Pengarah program, Muhammad Afiq Yahya Awal, berkata pameran bertemakan *Soul Design* itu bertujuan untuk mempromosi-

kan hasil kerja pelajar tahun akhir, Ijazah Sarjana Muda Reka Bentuk Perindustrian.

"Pameran ini adalah platform terbaik untuk mempamerkan hasil kerja mereka, khususnya kepada masyarakat luar seterusnya membuka mata kepada industri mengenai bakat peraka muda di negara ini," katanya.

Kursus reka bentuk

Majlis perasmian pameran itu disempurnakan oleh Menteri Pendidikan Tinggi, Datuk Seri Idris Jusoh.

Yang turut hadir, Timbalan Menteri Pendidikan Tinggi, Datuk Mary Yap Kain Ching; Pro Canselor UniSZA,

Tan Sri Dr Mohamad Yusof Mohamed Nor dan Naib Canselor UniSZA, Prof Datuk Dr Ahmad Zubaidi Abdul Latif.

Muhammad Afiq berkata, pameran itu dapat menarik minat pihak industri dan pelajar sekolah yang bakal melanjutkan pengajian ke menara gading.

"Pelajar yang hadir boleh memilih kursus reka bentuk perindustrian secara lebih mendalam seterusnya melanjutkan pengajian ke UniSZA."

"Produk yang dipamerkan mengikut kluster perabot, automotif dan produk pengguna dengan motif Islamik, perubahan serta Bio-Soure," katanya.



Prof Dr Ahmad Zubaidi (dua dari kiri) melawat pameran inovasi dan produk ciptaan pelajar Fakulti Reka Bentuk Inovatif dan Teknologi, UniSZA.